


Un scol pa muchanan “slow learners”

Scol secundario SPO traha na Brasil ta pa alumnonan di tur bario



ORANJESTAD (AAN) – Den conferencia di prensa di gobierno, Diahuebs, contestando un pregunta a splica cu e scol traha na Brasil ta un SPO scol, pa muchanan cu tin nan mesun ritmo di enseñanza y cu mester di mas tempo pa asimila e lesnan.

Esaki, el a agrega, ta un scol secundario pa muchanan cu ta “slow learners”. Esaki ta e scol su identidad. El a subraya cu esaki ta pa muchanan cu no mester ta den scolnan regular pero den

otro tipo di scol.

El a menciona tambe cu e proyecto piloto di SAM (Scol Arubiano multilingual), na Colegio San Hose y Colegio Conrado Coronel unda Papiamento a bira idioma di instruccion, a resulta cu eynan e doorstroming pa bay SPO no tey, pa loke ta e prome resultadonan. Kiermen, tin un aumento di e studiantenan cu ta bay HAVO y di esnan cu ta bay den e otro nivelnan di e sistema di enseñanza. E dignatario a duna di conoce cu

a base di loke nan ta premira, un bez cu duna e lugar mereci na cada mucha, e cantidad di alumnonan pa SPO, y si nan mantene e identidad aki, e cantidad ta bay baha.

E mandatario a señala cu e edificio pa e scol aki traha na Brasil, ta suficiente pa e cantidad di muchanan cu mester di e tipo di enseñanza aki. E scol aki ta pa muchanan di tur bario y distrito cu mester di e sistema di enseñanza SPO.